



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

XVI.

urn:nbn:de:hbz:466:1-11903

*Responsum
Electoris.*

* MCCCLX
XII.

XVI.
*Fundatur
Carthusia
Erfurtensis.*

multis jam sæculis ArchiEpiscopatus se de-
votos, Urbem felicissima adoptione filii-
am esse. Præterea Cæsareis, & regalibus
privilegiis adversus externa judicia mun-
ri, nec forum nisi electorale agnoscere.
Non aliud quam superioritatem in Erfordiam
citationibus ijs prætendi, illisque ju-
diciis, quæ juris tribuendi gratiâ sint ad-
inventæ, Landgravium ad invadenda
aliena abuti: maturè consultaret Elector,
quomodo conatibus his obviandum, so-
lam penè Erfordiam de amplissimo quon-
dam Sedis imperio his in oris superesse,
magnum invidiæ objectum, quod in ea
Dominatûs Thuringici complementum
consistere videatur. Joannes † Elector
ne dubitent, respondet, de solitudine
matris, sat sibi restare virium & animi, quo
filiam tueatur: duraturam cum obedi-
entia protectionem, utque magis de promissis
Urbé certâ redderet, omnia ejus privilegia
confirmavit, remisit etiam mulctam à
cœde Judæorum in singulos annos pen-
di solitam, quæ cum antea ad 100. marcas
argenti quinquennio excurreret, ipse in 10.
annos tantum centum quinquaginta stipu-
latus est.

* Carthusia † Erfurtensis in hunc annum
initia refert. (a) Mons est in Eichsfeldia
Hassiaë objacens: exercitum in eo Ethni-
corum idololatriam in Christianam pie-
tatem S. Bonifacius convertit. Frequentissi-
mi

(a) Serarius in Joanne primo.

mi credentium cœtus ibi confluunt, numinis auxilium implorantes, hinc ei nomen datum, quod auxiliaris mons (a) appelletur. Oblationes pro conservatione templi, alimentatione Deo viventium & pauperum copiosè fiunt. Harum pars tertia Sacerdoti, qui tunc sacra curabat, cessit; is ex liberali pietate dives, in testamento Carthusiam ædificari suis nummis præcepit, reliquum in dotem assignavit. Executorem suæ voluntatis collegiatæ Dorlensis Ecclesiæ Præpositum Joannem Ortinum dixit. Hic impetrata Joannis Archi Episcopi veniâ, Erfordix Carthusianum Cœnobium erexit. Ajunt, (b) cum Architectus de opportuno loco circumspexisset, elegantis formæ Juvenem ei adstitisse, qui locum ubi ædificaret, laudârit, & subitò disparuerit, Angelû peridse môstrans, humanos artus indutum. Equidè hæctenus ex situ loci multa tulit Carthusia, dum munimenta Urbis magnam partem ei ademerunt, vallo ipsi peristylio incubante. Biennium præclaro fuit operi in-

H 2

sump-

(a) De quo vide Serarium rerum Moguntinarum libro 3. Vita S. Bonifacii lib. 1. nos. 20. & novissimè apud R. P. Joannem Müller S. J. in peculiari tractatu de hoc monte edito Duderstadii Anno 1671. De alio adhuc monte adjutorii circa ætatem S. Bonifacii sacro vid. Celsissimum Principem Ferdinandum, in sua Paderbornæ monumentis, in nobis ad monumentum saltus Teuteburgensis, n. 6.

(b) Serarius in Joanne I.

*MCCCLX
XIII.
*Lis inter co-
mites de
Gleichen &
Monasteriū
S. Petri.*

sumptum , dein consecratio secuta est.
* Comites de Gleichen † cum monasterio
Petrensi in litem incidunt. (a) Prætende-
runt illi advocatiam , & hospitandi jus,
vi cujus Erfordiam venientes cum omni
comitatu in monasterio divertebant , cu-
linæ & cellæ graves. Abbas Theodori-
cus indecens esse queritur , humanitatem
majorum in servitium trahi. Illos ad-
ventantes huc Comites benignè excepisse,
qui hospitalitatem vicissim non justitiæ ,
sed charitati imputarint ; imò donis tan-
tum beneficium sint professi , nec illos eo
frequenti cum famulatio , ut nunc soleant,
adventasse , verum paucis servis stipatos
humili fratrum mensæ assedisse. De jure
Advocatiæ sibi nihil constare. Tandem
composita lis , ut Abbas bis mille octin-
gentos aureos Comitibus solveret , hi vi-
cissim advocatiæ , & hospitandi juribus
renunciarent.

*MCCCLX
XIV.
XVII.
*Schisma Mo-
guntinū in-
ter Adolph.
& Ludovi-
sum.*

* Detestabile Schisma secutum , † quod
omnem Archiepiscopatum , nostram
præcipuè Erfordiam miserabiliter afflixit.
(b) Joanne Electore veneno extincto Capi-
tulum Adolphum , Spirenses Episcopum
ex regali profapia Comitum de Nassaw e-
legit , Gerlaci ex fratre nepotem. Nova
dignitas invidiam pariebat. † Fuerunt
qui dicti veneficii Adolphum auctorem
spar-

(a) MS. Chronica Petrensia.

(b) Serarius in Adolpho I. MS. Erfurtensia Chronica & Chronica
Thuringie.